

Julie James AS  
Y Gweinidog Newid Hinsawdd

25 Gorffennaf 2022

Annwyl Julie

## Rheoliadau Rheolaethau Swyddogol (Iechyd Planhigion) (Amllder Gwiriadau) 2022

Diolch am eich llythyr dyddiedig 28 Mehefin pan wnaethoch roi gwybod i ni am eich bwriad i gydsynio i Reoliadau Rheolaethau Swyddogol (Iechyd Planhigion) (Amllder Gwiriadau) 2022 (y Rheoliadau Amllder Gwiriadau) a osodwyd wedyn yn Senedd y DU ar 30 Mehefin 2022. Gwnaethom ystyried eich llythyr yn ein cyfarfod ar 4 Gorffennaf, ac yna ar 11 Gorffennaf, gwnaethom ystyried eich llythyr dyddiedig 5 Gorffennaf lle y cadarnhawyd eich bod wedi rhoi eich cydsyniad. Fel y crybwyllwyd yn y ddadl ar y Rheoliadau Iechyd Planhigion etc. (Ffioedd) (Diwygio) (Cymru) (Ymadael â'r UE) (Rhif 2) 2022 cysylltiedig, mae'r gyfres hon o reoliadau yn amlygu cymhlethdod deddfu yng Nghymru ar ôl i ni adael yr UE. Byddem yn ddiolchgar felly pe baech yn ateb y cwestiynau a ganlyn:

1. Pa ymgynghori a fu â rhanddeiliaid o Gymru ar y Rheoliadau Amllder Gwiriadau a'r newid polisi a weithredir ganddynt?
2. Pa bryderon, os o gwbl, a godwyd gan y rhanddeiliaid hyn, a sut yr aethpwyd ati i ymdrin â nhw?
3. A allwch egluro a yw'r newidiadau polisi hyn yn ymwneud â'r fframwaith cyffredin ar iechyd planhigion ac, os felly, a gawsant eu hystyried fel rhan o brosesau'r fframwaith perthnasol?
4. A allwch egluro a yw'r Rheoliadau Amllder Gwiriadau yn dod o fewn cwmpas *Deddf Marchnad Fewnol y Deyrnas Unedig 2020*?

5. A allwch gadarnhau bod y Rheoliadau Amllder Gwiriadau yn arwain at ymwahanu o safonau'r UE a oedd ar waith ar ddiwedd y cyfnod pontio, ac egluro sut y caiff unrhyw oblygiadau yn sgil yr ymwahanu hwn eu hasesu?

Byddwn yn ddiolchgar o gael ymateb erbyn 22 Awst 2022.

Rwy'n anfon copi o'r llythyr hwn at Gadeirydd Pwyllgor yr Economi, Masnach a Materion Gwledig.

Yn gywir,

*Huw Irranca-Davies*

Huw Irranca-Davies

Cadeirydd

